

《大智度論》卷 63

〈釋信謗品第四十一之餘〉

（大正 25，503a16-506b14）

釋厚觀（2011.03.26）

【經】

3、勸善攝三業，兼辨毀謗之因

（1）勸攝三業，莫受諸苦

爾時，須菩提白佛言：「世尊！若¹善男子、善女人應好攝身、口、意業，無受如是諸苦——或不見佛，或不聞法，或不親近僧，或生無佛世界中，或生人中墮貧窮家，或人不信受其言。」²

（2）明毀謗因

A、積集惡口業故有破法重罪

（A）須菩提問

須菩提白佛言：「世尊！以積集口業故，有是破法重罪耶³？」

（B）佛答

佛告須菩提：「以積集口業故，有是破法重罪。

須菩提！是愚癡人在佛法中出家受戒，破深般若波羅蜜，毀咎、不受。⁴

須菩提！若破般若波羅蜜、毀咎般若波羅蜜，（503b）則為破十方諸佛一切智；一切智⁵破故，則為破佛寶，破佛寶故破法寶，破法寶故破僧寶；破三寶故，則破世間正見；破世間正見故，則為⁶破四念處乃至破一切種智法；破一切種智法故，則得無量無邊阿僧祇罪；得無量無邊阿僧祇罪已，則⁷受無量無邊阿僧祇憂苦。」

B、明四因緣毀壞般若

（A）總標

須菩提白佛言：「世尊！是愚癡人毀咎破壞深般若波羅蜜，有幾因緣？」

¹ 〔若〕—【宋】【元】【明】【宮】。（大正 25，503d，n.5）

² 《大般若波羅蜜多經》卷 435〈39 地獄品〉：

爾時，具壽善現白佛言：「世尊！若有聰慧諸善男子、善女人等，聞佛所說謗正法人於當來世久受大苦，應善護持身、語、意業，勿於正法誹謗毀壞，墮三惡趣長時受苦，於久遠時不得見佛、不聞正法、不值遇僧，不得生於有佛國土，雖生人趣，下賤、貧窮、醜陋、頑愚、支體缺減，諸有所說人不信受。」（大正 7，189a26-b3）

³ 〔耶〕—【宋】【元】【明】【宮】【聖】。（大正 25，503d，n.8）

⁴ 《大般若波羅蜜多經》卷 435〈39 地獄品〉：

佛言：「善現！如是！如是！實由串習惡語業故，造作增長感匱法業。於我正法毘奈耶中，當有愚癡諸出家者，彼雖稱我以為大師，而於我說甚深般若波羅蜜多誹謗毀壞。」（大正 7，189b5-8）

⁵ 〔一切智〕—【宋】【宮】。（大正 25，503d，n.9）

⁶ 〔為〕—【宋】【元】【明】【宮】【聖】。（大正 25，503d，n.11）

⁷ 〔則〕—【宋】【宮】【聖】。（大正 25，503d，n.12）

佛告須菩提：「有四因緣，是愚癡人毀訾破⁸是深般若波羅蜜。」

(B) 別辨

須菩提言：「世尊！何等四？」

a、為魔所使

「是愚癡人為魔所使故，欲毀訾破壞深般若波羅蜜——是名初因緣。」

b、不信解深法

是愚癡人不信深法，不信不解，心不得清淨——是第二因緣故，是愚癡人欲毀訾破壞深般若波羅蜜。

c、外值惡師，內復懈怠、堅著五蘊

是愚癡人與惡知識相隨，心沒懈怠，堅著五受眾——是第三因緣故，是愚癡人欲毀訾破壞深般若波羅蜜。

d、多懷瞋恚，自高輕人

是愚癡人多行瞋恚，自高輕人——是第四因緣故，是愚癡人欲⁹毀訾破壞深般若波羅蜜。

(C) 結

須菩提！以是四因緣故，是愚癡人欲毀訾破壞深般若波羅蜜。」¹⁰

【論】

3、勸善攝三業，兼辨毀謗之因

(1) 勸攝三業，莫受諸苦

A、釋「破法之惡口業總攝三業」之理

問曰：口業是破法，何以言「攝身口意業」？

答曰：意業是口業之本，若欲攝口業，先攝意業。意業攝故，身口業亦善；身口業善，意業亦善。

B、勸勿破法而受不見佛等諸苦

是中須菩提自說因緣：「莫受是諸苦——或不見佛等。」

(2) 明毀謗因

A、積集惡口業故有破法重罪

(A) 須菩提問

世間人以身業為重、口業為輕，是故須菩提問：「但以口業得如是罪耶？」

⁸ 破+（壞）【聖】【石】。（大正 25，503d，n.13）

⁹ 〔欲〕—【宋】【元】【明】【宮】。（大正 25，503d，n.15）

¹⁰ 《大般若波羅蜜多經》卷 435〈39 地獄品〉：

佛言：「善現！由四因緣，彼諸愚夫謗毀如是甚深般若波羅蜜多。何等為四？一者、為諸邪魔所扇惑故，彼諸愚夫謗毀如是甚深般若波羅蜜多。二者、於甚深法不信解故，彼諸愚夫謗毀如是甚深般若波羅蜜多。三者、不勤精進，耽著五蘊，諸惡知識所攝受故，彼諸愚夫謗毀如是甚深般若波羅蜜多。四者、多懷瞋恚，樂行惡法，憍自高舉，輕蔑他故，彼諸愚夫謗毀如是甚深般若波羅蜜多。善現！彼諸愚夫由具如是四因緣故，謗毀如是甚深般若波羅蜜多，由此當來受無量苦。」（大正 7，189b26-c7）

(B) 佛答

佛可其意，示言：是¹¹愚癡人自無急事，又無使作者，亦無所得，而自以舌故，作如是罪，是為大狂¹²！

是狂人未來世在我法中出家——出家者，五眾；受戒（503c）者有七眾。¹³

是聲聞人著聲聞法，佛法過五百歲後，各各分別有五¹⁴部。¹⁵從是已來，以求諸法決定相故，自執其法；不知佛為解脫故說法，而堅著語言故，聞說般若諸法畢竟空，如刀傷心！皆言：「決定之法，今云何言無？」於般若波羅蜜無得無著相中作得、作著相故，毀訾破壞，言「非佛教」。

佛憐愍眾生故，為說「是道、非道」；今般若中，是道、非道盡為一相——所謂無相。

是故先生疑¹⁶，後定心於空法生邪見；邪見得力故，於大眾中處處毀壞般若波羅蜜；毀壞般若波羅蜜故，則破十方三世諸佛一切智等諸佛¹⁷功德；破佛功德故，即破三寶；三寶破故，則破世間樂因緣，所謂世間正見；若破世間正見，則破出世間樂因緣——出世間正見，所謂四念處乃至一切種智——是法名為無量無邊福德因緣；破是法故，得無量無邊罪；得無量無邊罪故，受無量無邊憂愁苦惱。

B、明四因緣毀壞般若

(A) 釋「重問破法因緣」

問曰：先以¹⁸說破法因緣，所謂「愛著法」等，¹⁹須菩提何以更問？

¹¹ 〔是〕—【宋】【元】【明】【宮】【聖】。（大正 25，503d，n.21）

¹² 狂+（人）【元】【明】【石】。（大正 25，503d，n.22）

¹³ 《大智度論》卷 10〈1 序品〉：「佛弟子七眾：比丘、比丘尼、學戒尼、沙彌、沙彌尼、優婆塞、優婆夷。優婆塞、優婆夷是居家，餘五眾是出家。」（大正 25，130b13-15）

¹⁴ 五+（百）【宋】【元】【明】【宮】【聖】。（大正 25，503d，n.23）

¹⁵ （1）〔隋〕吉藏撰，《三論玄義》：「問：何等是迷經之人？答：即是諸部異執。言『諸部異執』者，或二部，或五部，或十八部，或二十部，或五百部。……所言五百部者，《智度論》釋般若〈信毀品〉云：佛滅度後，五百歲後有五百部，不知佛意為解脫故，執諸法有決定相，聞畢竟空如刀傷心。龍樹、提婆為諸部異執失佛教意故，造論破迷也。」（大正 45，8a29-10a22）

（2）〔宋〕元照撰，《四分律行事鈔資持記》卷 1：「佛去世後始有諸部分張等。次句彰異，言『多別』者，統論分部。初則二，初牀、初各集。次一百年後，上座部中分出五部；又云：二百年後分十二部，四百年後分十八部（通根本為二十），乃至復分五百部（備如《義鈔》，此不煩引）。」（大正 40，165c22-26）

（3）五百部。（印順法師，《大智度論筆記》〔E013〕p.308）

（4）五部：大眾部、法藏部、說一切有部、飲光部、化地部。參見印順法師，《佛教史地考論》，pp.138-149。

（5）五部：法藏部、說一切有部、飲光部、化地部、犢子部。參見印順法師，《印度之佛教》，pp.120-122。

¹⁶ 疑+（意）【元】【明】【聖】【石】。（大正 25，503d，n.26）

¹⁷ 〔佛〕—【宋】【元】【明】【宮】。（大正 25，503d，n.27）

¹⁸ 以=已【宋】【元】【明】【宮】【石】。（大正 25，503d，n.29）

答曰：先論中說，今經中說。²⁰

先不遍說，今遍廣說。

(B) 辨破法四緣

所謂「四因緣²¹」——

a、為魔所使（印順法師，《大智度論筆記》〔B022〕p.154）

(a) 天魔入其心，使令壞法

是人為魔所使——若魔、若魔人來入其心中，轉其身口，令破般若波羅蜜。

如阿難，佛三問：「閻浮提樂，壽命亦樂。」魔入身故，三不答佛。²²

阿難得初道，猶為魔燒，何況凡人！

(b) 煩惱魔、天魔故，令不信般若

復次，魔有四種：五眾魔、煩惱魔、死魔、自在天子魔。四魔中多煩惱魔、自在天子魔故，令不信般若；自貪著法、憎嫉他法、愚癡顛倒故，能破般若波羅蜜。

有人言：初因緣，煩惱魔；後第四，(504a)自在²³天子魔——是二種魔所使，故名「為魔所使」。

b、不信解深法

堅著邪見、貪愛自法、慧根鈍故，不識佛意，不信不受甚深般若故破。

c、外值惡師，內復懈怠、堅著五蘊

有人利根堪信²⁴，魔又不來，但隨惡師教故²⁵，破般若。

有人雖屬惡知識，諸結使薄故，勤精進，能信般若波羅蜜。

¹⁹ 參見《正觀》(6)，p.168：《大智度論》卷 62〈41 信謗品〉：「著法愛故破，亦令他破般若波羅蜜。」(大正 25，502b27-28)

²⁰ 《正觀》(6)，p.293，n.153：「先論中說，今經中說」，都是〈信謗品〉的一部分。〈信謗品〉經文是先說到「污法人」、「破法人」(大正 25，501a8-9)，而《大智度論》是在解說破壞般若波羅蜜的型態時，提到「著法愛故(自)破，亦令他破般若波羅蜜」之語。

²¹ 四緣毀訾般若——
 為魔所使
 不解深法
 惡友所攝
 多懷瞋恚
 (印順法師，《大智度論筆記》〔B022〕p.154)

²² (1) 《般泥洹經》卷上：「佛言：『阿難！維耶離樂，越施亦樂。今此天下十六大國，其諸郡邑皆樂；熙連然河多出黃金，閻浮提地五色畫。人生於世以壽為樂，若比丘、比丘尼知四神足，是為拔苦，多修習行，當念不忘，在意所欲，可得不死一劫不啻。如是，阿難！佛四神足已多習行，專念不忘，在意所欲，如來可止一劫有餘。』佛重說是至再三，時阿難意沒在邊想，為魔所蔽，矇矓不悟，默而不對。佛言：『阿難！汝去到一樹下，靜意自思。』」(大正 1，180b12-22)

(2) 另參見《長阿含經》卷 2 (2 經)《遊行經》(大正 1，15a12-b26)。

(3) 佛問壽命，阿難三不答。(印順法師，《大智度論筆記》〔H027〕p.421)

²³ 〔自在〕—【宋】【元】【明】【宮】【聖】。(大正 25，504d，n.1)

²⁴ 堪信=堪任信受【元】【明】【聖】【石】。(大正 25，504d，n.2)

²⁵ 故+ (亦)【元】【明】【聖】【石】。(大正 25，504d，n.3)

是故二事和合為一——亦屬惡知識，亦深著五眾，結使厚，生懈怠心，是故不信般若。

d、多懷瞋恚，自高輕人

是人世多集瞋恚，成其性——瞋相者是不信相；

是人剛強自高，輕賤說法人：「我智德如是，尚不能解，況汝愚賤而能知之！」

以是瞋恚、憍慢多故，破般若波羅蜜。

【經】²⁶

貳、明般若甚深難信難解

（壹）依諸法不縛不解，明般若深難信難解

一、以三緣故難信難解

須菩提白佛言：「世尊！是²⁷般若波羅蜜，⁽¹⁾不勤精進、⁽²⁾種不善根、⁽³⁾惡友相得人，難信難解！」²⁸

佛言：「如是！如是！須菩提！是深般若波羅蜜，不勤精進、種不善根、惡友相得人，難信難解！」

二、更明諸法不縛不解故，般若甚深難信難解

（一）須菩提問

須菩提白佛言：「世尊！是般若波羅蜜云何甚深難信難解？」²⁹

（二）佛答

1、約五陰明

「須菩提！色不縛不解。何以故？無所有性是色。

受、想、行、識不縛不解。何以故？無所有性是受、想、行、識。³⁰

2、約六度明

檀波羅蜜不縛不解。何以故？無所有性是檀波羅蜜。

尸羅波羅蜜不縛不解。何以故？無所有性是尸羅波羅蜜。

羼提波羅蜜不縛不解。何以故？無所有性是羼提波羅蜜。

毘梨耶波羅蜜不縛不解。何以故？無所有性是毘梨耶波羅蜜。

²⁶ 〔【經】〕—【宋】【宮】【聖】。（大正 25，504d，n.5）

²⁷ 是+（深）【元】【明】。（大正 25，504d，n.6）

²⁸ 《大般若波羅蜜多經》卷 435〈39 地獄品〉：

具壽善現復白佛言：「世尊！世間愚夫不勤精進，為惡知識之所攝受，未種善根具諸惡行，於佛所說甚深般若波羅蜜多實難信解。」（大正 7，189c8-10）

²⁹ 《大智度論疏》卷 21：「『須菩提白佛言：世尊！是般若波羅蜜云何甚深難信難解？』已下是品之第三，明由般若理深故，所以信者福高，誘*人罪大。就此文中復有廣略二周，初略明無縛解等義，第二廣明一切法淨——淨即是空，但以眾生聞空怖故，所以作異名說也。」（卍新續藏 46，890b9-13）

※案：「誘」或作「謗」。

³⁰ 《大般若波羅蜜多經》卷 435〈39 地獄品〉：

佛言：「善現！色無縛無解。何以故？以色無所有性，為色自性故。受、想、行、識無縛無解。何以故？以受、想、行、識無所有性，為受、想、行、識自性故。」（大正 7，189c15-18）

禪波羅蜜不縛不解。何以故？無所有性是禪波羅蜜。

般若波羅蜜不縛不解。何以故？無所有性是般若波羅蜜。

3、約十八空及諸道法明

須菩提！內空不縛不解。何以故？無所有性是內空。

乃至無法有法空不縛不解，何以（504b）故？無所有性是無法有法空。

四念處不縛不解。何以故？無所有性是四念處。

乃至一切智、一切種智不縛不解。何以故？無所有性是一切種智。

4、約三世明

須菩提！色本際不縛不解。何以故？本際無所有性是色。

受、想、行，識乃至一切種智本際不縛不解。何以故？本際無所有性是一切種智。³¹

須菩提！色後際不縛不解。何以故？後際無所有性是色。

受、想、行、識乃至一切種智後際不縛不解。何以故？後際無所有性是一切種智。

須菩提！現在色不縛不解。何以故？現在無所有性是色。

受、想、行、識乃至現在一切種智不縛不解。何以故？現在無所有性是一切種智。」

（貳）依諸法畢竟淨、無二無別，明般若難信難解

一、以七因緣、八因緣故難信難解

（一）須菩提說七因緣

須菩提白佛言：「世尊！是般若波羅蜜，⁽¹⁾不勤精進、⁽²⁾不種善根、⁽³⁾惡友相得、⁽⁵⁾懈怠、⁽⁶⁾少進、⁽⁷⁾喜忘、⁽⁸⁾無巧便慧——如此之人，實難信難解！」³²

（二）佛說八因緣

「如是！如是！須菩提！是般若波羅蜜，⁽¹⁾不勤精進、⁽²⁾不種善根、⁽³⁾惡友相得、⁽⁴⁾繫屬於魔、⁽⁵⁾懈怠、⁽⁶⁾少進、⁽⁷⁾喜忘、⁽⁸⁾無巧便慧——如此之人，實難信難解。

二、釋因由：諸法畢竟淨，無二無別故般若甚深

（一）因淨，果亦淨

何以故？色淨，果亦淨；³³受、想、行、識淨，果亦淨；³⁴乃至阿耨多羅三藐三菩提

³¹ 《大般若波羅蜜多經》卷 435〈39 地獄品〉：「復次，善現！色前際無縛無解。何以故？以色前際無所有性，為色前際自性故。受、想、行、識前際無縛無解。何以故？以受、想、行、識前際無所有性，為受、想、行、識前際自性故。如是乃至一切智前際無縛無解。何以故？以一切智前際無所有性，為一切智前際自性故。道相智、一切相智前際無縛無解。何以故？以道相智、一切相智前際無所有性，為道相智、一切相智前際自性故。」（大正 7，190a22-b1）

³² 《大般若波羅蜜多經》卷 435〈39 地獄品〉：「具壽善現復白佛言：『世尊！⁽¹⁾不勤精進、⁽²⁾未種善根、具不善根、⁽³⁾惡友所攝、⁽⁵⁾懈怠增上、⁽⁴⁾隨魔力行、⁽⁶⁾精進微劣、⁽⁷⁾失念、⁽⁸⁾惡慧補特伽羅，於佛所說甚深般若波羅蜜多實難信解。』」（大正 7，190b18-21）

案：羅什譯《摩訶般若波羅蜜經》言「不種善根」，但玄奘譯《大般若經》則說「未種善根、具不善根」。又羅什譯《摩訶般若波羅蜜經》及《大智度論》釋文，須菩提所說缺「繫屬於魔」，但玄奘譯《大般若經》「第二分」中，須菩提所說亦提到「隨魔力行」之文，明顯可見經本之間有差異。

³³ 《大智度論疏》卷 21：「『何以故？色淨是亦淨』已下，第二，次就淨一明波若深義也。」（卍新續藏 46，890b16-17）

※案：「是」應作「果」。

淨，果亦淨。

（二）「諸法淨」與「般若淨」無二無別

復次，須菩提！色淨故即般若波羅蜜淨，般若波羅蜜淨即色淨。³⁵

受、想、行、識淨故³⁶即般若波羅蜜淨，般若波羅蜜淨即受、想、行、識淨。

乃至一切種智淨即般若波羅蜜淨，般若波羅蜜淨即一切種智淨。

色淨、般若波羅蜜淨，無二無別、無斷無壞³⁷；乃至一切種智淨、般若波羅蜜淨，無二無別、無斷無壞。

（三）「不二淨」與「諸法淨」無二無別

復次，須菩提！不二淨故色淨，不二淨故乃至一切種智淨。

何以故？是不二淨、色淨乃至一切種智淨，無二無別故。³⁸（504c）

（四）「我等淨」與「諸法淨」無二無別

我淨、眾生淨乃至知者、見者淨故，色淨、受想行識淨乃至一切種智淨。

色淨乃至一切種智淨故，我、眾生乃至知者、見者淨。

何以故？我、眾生乃至知者、見者淨，色淨乃至一切種智淨，不二不別、無斷無壞。³⁹

³⁴ 《大般若波羅蜜多經》卷 435〈39 地獄品〉：「所以者何？善現！色清淨即果清淨，果清淨即色清淨，是色清淨與果清淨，無二、無別、無壞、無斷。受、想、行、識清淨即果清淨，果清淨即受、想、行、識清淨，是受、想、行、識清淨與果清淨，無二、無別、無壞、無斷。」（大正 7，190b25-29）

³⁵ 《大般若波羅蜜多經》卷 435〈39 地獄品〉：「復次，善現！色清淨即般若波羅蜜多清淨，般若波羅蜜多清淨即色清淨，是色清淨與般若波羅蜜多清淨，無二、無別、無壞、無斷。」（大正 7，190c7-9）

³⁶ 〔故〕—【宋】【元】【明】【宮】。（大正 25，504d，n.8）

³⁷ 《大智度論疏》卷 21：「『無斷無壞』已下，明波若等諸法非可斷法，故云無斷；非滅壞法，故云非壞也。」（卍新續藏 46，890b18-19）

³⁸ 《大般若波羅蜜多經》卷 435〈39 地獄品〉：「復次，善現！不二清淨即色清淨，色清淨即不二清淨，是不二清淨與色清淨，無二、無別、無壞、無斷。不二清淨即受、想、行、識清淨，受、想、行、識清淨即不二清淨，是不二清淨與受、想、行、識清淨，無二、無別、無壞、無斷。如是乃至不二清淨即一切智清淨，一切智清淨即不二清淨，是不二清淨與一切智清淨，無二、無別、無壞、無斷。不二清淨即道相智、一切相智清淨，道相智、一切相智清淨即不二清淨，是不二清淨與道相智、一切相智清淨，無二、無別、無壞、無斷。」（大正 7，191a2-12）

³⁹ 《大般若波羅蜜多經》卷 435〈39 地獄品〉：「復次，善現！我、有情乃至知者、見者清淨即色清淨，色清淨即我、有情乃至知者、見者清淨，是我、有情乃至知者、見者清淨與色清淨，無二、無別、無壞、無斷。我、有情乃至知者、見者清淨即受、想、行、識清淨；受、想、行、識清淨即我、有情乃至知者、見者清淨；是我、有情乃至知者、見者清淨與受、想、行、識清淨，無二、無別、無壞、無斷。如是乃至我、有情乃至知者、見者清淨即一切智清淨，一切智清淨即我、有情乃至知者、見者清淨，是我、有情乃至知者、見者清淨與一切智清淨，無二、無別、無壞、無斷。我、有情乃至知者、見者清淨即道相智、一切相智清淨，道相智、一切相智清淨即我、有情乃至知者、見者清淨，是我、有情乃至知者、見者清淨與道相智、一切相智清淨，無二、無別、無壞、無斷。」（大正 7，191a12-27）

【論】釋曰：

貳、明般若甚深難信難解

(壹) 依諸法不縛不解，明般若深難信難解

一、以三緣故難信難解

爾時，須菩提白佛言：「是般若波羅蜜甚深故，⁽¹⁾懈怠、⁽²⁾隨惡知識、⁽³⁾種不善根故難信。」⁴⁰

與上相違，名為信般若波羅蜜。

佛可其言。

二、更明諸法不縛不解故，般若甚深難信難解

(一) 須菩提問

須菩提更問：「是般若波羅蜜云何甚深故難信？」

(二) 佛答

1、約五陰明

(1) 五陰無縛無解

A、正明

佛答：「色等諸法無縛無解。」

B、釋義

(A) 無縛無解三說⁴¹

a、第一說

三毒是縛，三解脫門是解。是三毒等諸煩惱虛誑不實、從和合因緣生、無自性故無縛。

無縛故無解——破是三毒故，三解脫⁴²門亦空。

b、第二說

復次，取相著法、顛倒一切煩惱等是縛。縛⁴³法若實定有自性者，則不可解；若實定有，誰能破者？若破，即墮斷滅中。

若取相、顛倒等諸煩惱虛誑不實，亦無所斷。

c、第三說

復次，一切心心數法，憶想分別、取相，皆縛在緣中；若入諸法實相中，知皆是虛誑，如上品中說：「心清淨相者，即是非心相。」⁴⁴

是縛空故，解亦空。

⁴⁰ 不解般若：三義。(印順法師，《大智度論筆記》[E019] p.318)

⁴¹ 無縛無脫：不縛不解三義。(印順法師，《大智度論筆記》[E004] p.293)

⁴² [脫] — 【宋】【元】【明】【宮】。(大正 25, 504d, n.9)

⁴³ [縛] — 【元】【明】【聖】【石】。(大正 25, 504d, n.10)

⁴⁴ 《正觀》(6), pp.168-169：參見《摩訶般若波羅蜜經》卷 3〈8 勸學品〉(大正 8, 233c20-234a8)，《放光般若經》卷 2〈10 學品〉(大正 8, 13b21-c13)，《光讚經》卷 3〈7 了空品〉(大正 8, 166b21-c16)。

d、結義

如是等種種因緣故，色等諸法不縛不解。

(B) 釋經：五陰無所有性故無縛無解

此中佛自說因緣：「色等諸法，有為作法，從因緣和合生故、無有定性故，說『無所有性是色等諸法』。」

2、約三世明

復次，色等諸法，三世中不縛不解，如破三世中說。⁴⁵

(貳) 依諸法畢竟淨、無二無別，明般若難信難解

一、以七因緣、八因緣故難信難解

(一) 須菩提說七因緣

是時，須菩提知般若波羅蜜非甚深、非不甚深。⁴⁶如後品中說，⁴⁷「若謂般若波羅蜜甚深，則遠離般若波羅蜜」，以是故白佛言：「世尊！惡人以般若波羅蜜甚深難解，非謂善人。」

惡人者，不與般若相應，⁽¹⁾不一心勤精進；⁽²⁾不種解般若波羅蜜善根；⁽³⁾隨破壞般若惡師；⁽⁵⁾「懈怠」者，著世間樂，不願出世間；⁽⁶⁾如此人若有精進，少不足言；⁽⁷⁾諸煩惱亂心，故喜忘；⁽⁸⁾善不善法相不破、憍慢不除、邪見戲論故，求諸法實相，不知分別諸法相好醜，是名「無巧便慧」。

有如是等惡法故，是⁴⁸人難解甚深般若。⁴⁹

(二) 佛說八因緣

1、佛印可

佛可其意，言：「如是！如是！」

2、明八因——釋「增魔事」之理由

問曰：須菩提說中，無有魔事，佛說中何以益魔事？

答曰：須菩提直說內外因緣不具足；佛今具足說，故言：「⁽⁴⁾是人為魔所使。」

二、釋因由：諸法畢竟淨，無二無別故般若甚深

(一) 因淨，果亦淨

1、略述

佛更欲說甚深難解相，告須菩提：「色等諸法淨故，果亦淨。」

⁴⁵ 《正觀》(6)，p.169：

(1) 「色等諸法無縛無解」，參見《大智度論》卷 46〈17 無縛無解品〉(大正 25，392a22-393a29)，另參見《大智度論》卷 51〈23 含受品〉(大正 25，429a)。

(2) 「破三世」，參見《大智度論》卷 46 (大正 25，392b2-5) 之經文，另參見《摩訶般若波羅蜜經》卷 7〈25 十無品〉(大正 8，267b26-268a23)，《放光般若經》卷 5〈26 不可得三際品〉(大正 8，34a9-b9)，《光讚經》卷 9〈23 等三世品〉(大正 8，205a14-c4)。

⁴⁶ 深不深。(印順法師，《大智度論筆記》[E014] p.309)

⁴⁷ 《正觀》(6)，pp.169-170：參見《大智度論》卷 66：「佛知其念，告舍利弗：『菩薩摩訶薩若行色等甚深者，則為失般若波羅蜜；若不行色甚深，是為得般若波羅蜜。』」(大正 25，524c2-4)

⁴⁸ [是]—【宋】【元】【宮】。(大正 25，505d，n.3)

⁴⁹ 不解般若：八義。(印順法師，《大智度論筆記》[E019] p.318)

2、釋義

四念處是色等諸法果。何以故？**觀色等諸法不淨、無常等，即得身念處**；餘念如上說。

是中四念處性無漏、斷煩惱、為涅槃故清淨；**見果淨故，知因亦淨**。

※ 因論生論：先說「觀色不淨得身念處」，云何言「見果淨故知因亦淨」

問曰：先說「觀色不淨、無常等，得身念處」，⁵⁰云何言「果淨故知⁵¹因亦淨」？

答曰：

(1) 不淨觀是得解觀，非實觀故

不淨觀是初入門，非實觀，是故不入十六聖行。

是十六行中，觀「無常、苦、空、無我」，不觀「不淨」。

淨顛倒故生婬欲，破淨故言「不淨」，非是實；是故「不淨」不入十六聖行，但是得解觀。

(2) 般若中不觀淨、不淨等，諸觀滅、戲論滅故

是般若中不觀常、不觀無常，不觀淨、不觀不淨等。常無常、淨不淨、空實等諸觀滅⁵²、戲論滅，是色實相。色實相淨，故果亦淨。⁵³

(二)「諸法淨」與「般若淨」無二無別

復次，佛此中自說因緣：「般若波羅蜜如虛空，畢竟淨⁵⁴，無所染污，是般若波羅蜜。」

觀色等諸法實相——不生不滅，行六波羅蜜、修四念處等，如是可得般若波羅蜜。

是般若波羅蜜三種因緣：**正觀、正行、正修**。⁵⁵

是故言：「般若波羅蜜淨故，色等諸法淨；色等諸法淨故，般若波羅蜜（505b）淨。

所以者何？色等諸法、般若波羅蜜，實相中無二無別；不異不別、不離不散故，不斷不壞。」

(三)「不二淨」與「諸法淨」無二無別⁵⁶**(四)「我等淨」與「諸法淨」無二無別**

復次，如我法，乃至⁵⁷十方三世中求不可得，於五眾中但有假名；眾生乃至知者、見

⁵⁰ (1) 參見《正觀》(6)，p.170：《大智度論》卷 19（大正 25，198c21-199c4）。另參見《摩訶般若波羅蜜經》卷 5〈19 四念處品〉（大正 8，253b19-254b14），《放光般若經》卷 4〈20 陀隣尼品〉（大正 8，24c26-25b3），《光讚經》卷 7〈17 觀品〉（大正 8，193a18-194a24）。

(2) 即前釋文處，《大智度論》卷 63〈41 信謗品〉（大正 25，505a12-13）。

⁵¹ [知] — 【宋】【元】【明】【宮】。（大正 25，505d，n.6）

⁵² [滅] — 【宋】【元】【明】【宮】【聖】。（大正 25，505d，n.7）

⁵³ 「得解觀——不淨……………」

二種觀——實 觀——無常苦空無我……—般若中不觀四正四倒空實

（印順法師，《大智度論筆記》〔B022〕p.154）

⁵⁴ (清) + 淨【宋】【元】【明】【宮】【聖】【石】。（大正 25，505d，n.8）

⁵⁵ 正觀色等實相—

正行六波羅蜜—可得般若 （印順法師，《大智度論筆記》〔B022〕p.154）

正修三十七分等—

⁵⁶ 案：經中提及「不二淨與諸法淨無二無別」，但論未加註釋。

者亦如是。

如「我」空、無所有、清淨故，「一切法」亦如是。

【經】

（五）「三毒淨」與「諸法淨」無二無別

復次，須菩提！婬淨故⁵⁸色淨乃至一切種智淨。何以故？婬淨、色淨乃至一切種智淨，不二不別⁵⁹。瞋、癡淨故色淨乃至一切種智淨。何以故？瞋癡淨、色淨乃至一切種智淨，不二不別⁶⁰。⁶¹

（六）「十二因緣淨乃至一切種智淨」無二無別

復次，須菩提！無明淨故諸行淨，諸行淨故識淨，識淨故名色淨，名色淨故六入⁶²淨，六入淨故觸淨，觸淨故受淨，受淨故愛淨，愛淨故取淨，取淨故有淨，有淨故生淨，生淨故老死淨，老死淨故般若波羅蜜淨，般若波羅蜜淨故乃至檀波羅蜜淨，檀波羅蜜淨故內空淨，內空淨故乃至無法有法空淨，無法有法空淨故四念處淨，四念處淨故乃至一切智淨，一切智淨故一切種智淨。

何以故？是一切智淨、一切種智淨，不二不別、無斷無壞。⁶³

（七）「六度淨、十八空淨、三十七道品淨乃至一切智淨」，展轉皆清淨，無二無別

復次，須菩提！般若波羅蜜淨故色淨，乃至般若波羅蜜淨故⁶⁴一切智淨。是般若波羅蜜淨、一切智淨，不二不別故。

須菩提！禪波羅蜜淨故乃至一切智淨，毘梨耶波羅蜜、羼提波羅蜜、尸羅波羅蜜、

⁵⁷ [乃至] — 【宋】【宮】【聖】。(大正 25, 505d, n.9)

⁵⁸ 《大智度論疏》卷 21：「『復次，須菩提！婬淨故』已下，此下云猶是今第二廣說一切法淨經文中意，猶未盡明三毒等實相淨故，與種智實相同一，故言不二不別也。諸法例然，當一一釋。此中本言淨等不異，『淨』義即『空』，故云不二不別。以據前事言其不二故，此中云色淨乃至前一切種智淨，不二乘不別也。當說。」(已新續藏 46, 891a5-10)

⁵⁹ 別+（無斷無壞）【石】。(大正 25, 505d, n.11)

⁶⁰ 別+（無斷無壞）【宋】【元】【明】【石】。(大正 25, 505d, n.12)

⁶¹ 《大般若波羅蜜多經》卷 435〈39 地獄品〉：「復次，善現！貪、瞋、癡清淨即色清淨，色清淨即貪、瞋、癡清淨，是貪、瞋、癡清淨與色清淨，無二、無別、無壞、無斷。貪、瞋、癡清淨即受、想、行、識清淨，受、想、行、識清淨即貪、瞋、癡清淨，是貪、瞋、癡清淨與受、想、行、識清淨，無二、無別、無壞、無斷。如是乃至貪、瞋、癡清淨即一切智清淨，一切智清淨即貪、瞋、癡清淨，是貪、瞋、癡清淨與一切智清淨，無二、無別、無壞、無斷。貪、瞋、癡清淨即道相智、一切相智清淨，道相智、一切相智清淨即貪、瞋、癡清淨，是貪、瞋、癡清淨與道相智、一切相智清淨，無二、無別、無壞、無斷。」(大正 7, 191a27-b9)

⁶² 六入=六處【石】。(大正 25, 505d, n.13)

⁶³ 《大般若波羅蜜多經》卷 435〈39 地獄品〉：「復次，善現！色清淨故受清淨，受清淨故色清淨，是色清淨與受清淨，無二、無別、無壞、無斷。……意觸為緣所生諸受清淨故無明乃至老死愁歎苦憂惱清淨，老死愁歎苦憂惱清淨故般若波羅蜜多乃至布施波羅蜜多清淨，布施波羅蜜多清淨故內空乃至無性自性空清淨，無性自性空清淨故四念住乃至八聖道支清淨，八聖道支清淨故展轉乃至佛十力乃至十八不共法清淨，十八不共法清淨故一切智清淨，一切智清淨故道相智清淨，道相智清淨故一切相智清淨，一切相智清淨故道相智清淨，是道相智清淨與一切相智清淨，無二、無別、無壞、無斷。」(大正 7, 191b9-c1)

⁶⁴ [故] — 【宋】【元】【明】【宮】。(大正 25, 505d, n.14)

檀波羅蜜淨故乃至一切智淨。⁶⁵

內空淨故乃至一切智淨，⁶⁶四念處淨故乃至一切智淨。⁶⁷

復次，須菩提！一切智淨故乃至般若波羅蜜淨。如是一一如先說。⁶⁸

(八)「有為淨、無為淨」無二無別

復次，須菩提！有為淨故無為淨。何以故？有為淨、無為淨，(505c) 不二不別、無斷無壞故。⁶⁹

(九)「三世淨」無二無別

復次，須菩提！過去淨故未來、現在淨，未來淨故過去、現在淨，現在淨故過去、未來淨。何以故？現在淨、過去未來淨，不二不別、無斷無壞故。」⁷⁰

⁶⁵ 《大般若波羅蜜多經》卷 435〈39 地獄品〉：「復次，善現！般若波羅蜜多清淨故色清淨，色清淨故一切智智清淨，若般若波羅蜜多清淨、若色清淨、若一切智智清淨，無二、無別、無壞、無斷。廣說乃至般若波羅蜜多清淨故一切相智清淨，一切相智清淨故一切智智清淨，若般若波羅蜜多清淨、若一切相智清淨、若一切智智清淨，無二、無別、無壞、無斷。如是乃至布施波羅蜜多清淨故色清淨，色清淨故一切智智清淨，若布施波羅蜜多清淨、若色清淨、若一切智智清淨，無二、無別、無壞、無斷。廣說乃至布施波羅蜜多清淨故一切相智清淨，一切相智清淨故一切智智清淨，若布施波羅蜜多清淨、若一切相智清淨、若一切智智清淨，無二、無別、無壞、無斷。」(大正 7, 191c2-15)

⁶⁶ 《大般若波羅蜜多經》卷 435〈39 地獄品〉：「善現！內空清淨故色清淨，色清淨故一切智智清淨，若內空清淨、若色清淨、若一切智智清淨，無二、無別、無壞、無斷。廣說乃至內空清淨故一切相智清淨，一切相智清淨故一切智智清淨，若內空清淨、若一切相智清淨、若一切智智清淨，無二、無別、無壞、無斷。如是乃至無性自性空清淨故色清淨，色清淨故一切智智清淨，若無性自性空清淨、若色清淨、若一切智智清淨，無二、無別、無壞、無斷。廣說乃至無性自性空清淨故一切相智清淨，一切相智清淨故一切智智清淨，若無性自性空清淨、若一切相智清淨、若一切智智清淨，無二、無別、無壞、無斷。」(大正 7, 191c15-28)

⁶⁷ 《大般若波羅蜜多經》卷 435〈39 地獄品〉：「善現！四念住清淨故色清淨，色清淨故一切智智清淨，若四念住清淨、若色清淨、若一切智智清淨，無二、無別、無壞、無斷。」(大正 7, 191c28-192a2)

⁶⁸ 《大般若波羅蜜多經》卷 435〈39 地獄品〉：「善現！一切智清淨故色清淨，色清淨故一切智智清淨，若一切智清淨、若色清淨、若一切智智清淨，無二、無別、無壞、無斷。……復次，善現！一切智智清淨故色清淨，色清淨故般若波羅蜜多清淨，若一切智智清淨、若色清淨、若般若波羅蜜多清淨，無二、無別、無壞、無斷。……廣說乃至一切智智清淨故道相智清淨，道相智清淨故一切相智清淨，若一切智智清淨、若道相智清淨、若一切相智清淨，無二、無別、無壞、無斷。其中一一所有文句，皆應類前次第廣說。」(大正 7, 192a25-b23)

⁶⁹ 《大般若波羅蜜多經》卷 435〈39 地獄品〉：「復次，善現！有為清淨故無為清淨，無為清淨故有為清淨，若有為清淨、若無為清淨，無二、無別、無壞、無斷。」(大正 7, 192b23-25)

⁷⁰ 《大般若波羅蜜多經》卷 435〈39 地獄品〉：復次，善現！過去清淨故未來清淨，未來清淨故過去清淨，若過去清淨、若未來清淨，無二、無別、無壞、無斷。過去清淨故現在清淨，現在清淨故過去清淨，若過去清淨、若現在清淨，無二、無別、無壞、無斷。未來清淨故現在清淨，現在清淨故未來清淨，若未來清淨、若現在清淨，無二、無別、無壞、無斷。過去清淨故未來現在清淨，未來現在清淨故過去清淨，若過去清淨、若未來現在清淨，無二、無別、無壞、無斷。未來清淨故過去現在清淨，過去現在清淨故未來清淨，若未來清淨、若過去現在清淨，無二、無別、無壞、無斷。現在清淨故過去未來清淨，過去未來清淨故現在清淨，若現在清淨、若過去未來清淨，無二、無別、無斷、無壞。(大正 7, 192b25-c11)

【論】

（五）「三毒淨與諸法淨」無二無別——辨「三毒淨」義

問曰：佛說「三毒是垢穢不淨」，此中云何言「婬欲等淨故色等亦淨」？

答曰：佛說：「三毒實性清淨故，⁷¹色等諸法亦清淨；三毒淨、色等淨故，不二不別。」

（六）「十二因緣淨乃至一切種智淨」無二無別

欲廣說三毒清淨及三毒清淨果報因緣故，說「無明淨故諸行亦淨」。

「無明淨」者，所謂無明畢竟空，如破無明十喻中說。⁷²

從十二因緣乃至一切種智亦如是。

（七）「六度淨、十八空淨、三十七道品淨乃至一切智淨」，展轉皆清淨，無二無別

是⁷³故色等、無明等諸法清淨故般若波羅蜜清淨，般若波羅蜜清淨故諸菩薩所行法——所謂禪波羅蜜乃至一切種智皆清淨。

禪波羅蜜等諸法亦如是。

復次，用十八空故色等乃至一切種智空，乃至一切種智空故十八空亦空。

一切種智不離十八空，十八空不離一切種智，是故言「不二不別」。

「空」者即是「清淨」。⁷⁴

今色乃至一切種智，一法為首，餘法各各為首，展轉皆清淨。

（八）「有為淨、無為淨」無二無別

復次，諸法多無量故，略說「有為、無為」。

有為法實相即是無為法。⁷⁵

知⁷⁶淨行者於諸法中求常、樂、我、淨不可得；若不可得，是為實知有為法；實知不可得，即是無為法。⁷⁷是故說：「有為法淨故無為法清淨。」

復次，因有為法故知無為法；聖人得是無為法，說有為法相。是故說：「有為法清淨故無為法清淨，無為法清淨故有為法清淨。」

（九）「三世淨」無二無別

有為法在三世中，故說：「過去世清淨故未來世亦清淨，未來世清淨故過去世亦清淨。」所以者（506a）何？

⁷¹ 煩惱即實相。（印順法師，《大智度論筆記》〔E007〕p.299）

⁷² 《正觀》（6），p.170：十喻，參見《大智度論》卷 6（大正 25，101c18-102a27）。

又 p.293，n.154：「十喻」原本應是指《大智度論》卷 6（大正 25，101c-105c），但範圍太廣，因為此處特別指「破無明」，參見下文《大智度論》卷 90：「如是等一切是無明相；如先品，《德女經》中破無明廣說。」（大正 25，697a12-13）所謂《德女經》，正是《大智度論》卷 6（大正 25，101c18-102a27）的解說。

⁷³ 〔是〕—【宋】【元】【明】【宮】。（大正 25，505d，n.17）

⁷⁴ 畢竟清淨：空即是清淨。（印順法師，《大智度論筆記》〔E004〕p.292）

⁷⁵ 無為：有為法實相即是無為。（印順法師，《大智度論筆記》〔E005〕p.295）

⁷⁶ 知=如【宋】【元】【明】【聖】。（大正 25，505d，n.18）

⁷⁷ 無為：求有為中四倒不可得，是為實知有為。

實知有為中四倒不可得，即是無為。（印順法師，《大智度論筆記》〔E005〕p.295）

如過去世破壞、散滅、無所有故空，

未來世未生未有故空；

二世無故現在亦無。何以故？有先、有後，知有現在。復次，有為法念念生滅，故無住時；住時無故，無現在世。

三世空故，有為法空；有為法空故，無為法空。

「空」即是畢竟清淨，⁷⁸不破不壞，無戲論，如虛空。

〔參〕結成正義，復顯破文字般若之過失

如是般若波羅蜜畢竟清淨，三世諸佛法藏。

破是能宣示實相般若言說文字故墮地獄。

※ 因論生論：五逆罪人信般若能否成佛，持戒人而不信般若云何墮地獄

問曰：若不信般若墮地獄，信者得作佛——

若有五逆罪、破戒、邪見、懈怠之人信是般若，是人得成佛不？

復有持戒、精進者而不信般若，是云何墮地獄？

答曰：

一、明「破毀般若與信受般若之人」

〔一〕破般若人⁷⁹

1、明二種人

破般若有二種：

〔1〕謗言非是佛說；或言雖是佛說，多人增益

一者、佛口所說⁸⁰，弟子誦習，書作經卷；愚人謗言：「非是佛說！是魔、若魔民所作；亦是斷滅邪見人手筆，莊嚴口力者說。」

或言：「雖是佛說，其中處處餘人增益。」

〔2〕取相口說空法，心行有中

或有人著心分別取相說般若波羅蜜，口說空法而心著有。

2、舉喻辨破不破般若

〔1〕標宗

初破者，墮大地獄，不得聖人說般若意故。

第二破，著心論議者，是不名為破般若。

〔2〕舉喻

如調達出佛身血，祇域亦出佛身血；雖同一名⁸¹出血，心異故，一人得罪，一人得福。

⁷⁸ 畢竟清淨：空即是清淨。(印順法師，《大智度論筆記》〔E004〕p.292)

⁷⁹ 「謗言非是佛說……—墮大地獄

破般若人—或言雖是佛說，多人增益……—

| 或人取相口說空法，心行有中……此人善心（不名破）

└或人憶想分別，應有妙法，不應都空……此人信佛……（應是破耶？）

(印順法師，《大智度論筆記》〔B022〕p.155)

⁸⁰ 說+（弟子所說）【石】。(大正 25，506d，n.1)

⁸¹ 〔一名〕—【宋】【元】【明】【宮】。(大正 25，506d，n.5)

如畫作佛像，一人以像⁸²不好故破⁸³，一人以惡心故破；以心不同故，一人得福，一人得罪。

〔3〕合法

破般若波羅蜜者亦如是。

3、復論破者——未得聖意，身口毀訾

復次，或有人破般若，雖不瞋、不輕佛，自用心憶想分別：「是甚深法，一切智人所說，應有深妙法，云何言都空⁸⁴？」

佛以無著心為度眾生故說法；是人以著心取相故，起口業——毀訾、破壞般若；能起身業——手麾非撥，指（506b）毀令去⁸⁵。

〔二〕信般若人

與二種不信相違，故名二種信：一者、知般若實義信，得如說果報；二者、信經卷言語文字，得功德少。

二、通難

〔一〕邪見人雖持戒、精進，皆成惡法

邪見罪重故，雖持戒等身口業好，皆隨邪見惡心。

如佛自說喻譬⁸⁶：「如種苦種，雖復四大所成，皆作苦味。」

邪見人亦如是，雖持戒、精進，皆成惡法。

與此相違，名為正見。

〔二〕犯五逆罪人——二說

1、惡罪覆心，疑法，不能信般若

五逆罪人，惡罪常覆心，疑今世後世業果，何況能信甚深般若？雖復書經卷供養，望免惡罪，去般若大遠。

2、先世福德、利智，今遇善知識，能信般若，能得如所說果報

或有遇善知識，先世精進，⁸⁷福德、利智第一，信般若波羅蜜；清淨因緣，能得如所說果報。

如阿闍世王殺父之罪，蒙佛、文殊師利善知識故，除其重罪，得如所說般若果報，受無上道記。⁸⁸

⁸² [像] — 【宋】【元】【明】【宮】。(大正 25, 506d, n.7)

⁸³ 破 = 壞 【宋】【元】【明】【宮】【聖】【石】。(大正 25, 506d, n.8)

⁸⁴ 空 + (耶) 【元】【明】。(大正 25, 506d, n.9)

⁸⁵ (1) 手麾非撥，指毀令去：用手隨便翻、隨便丟，用手撕毀，把它丟棄。

(2) 麾 (尸又ㄟ)：3.揮動。5.調揮手使去。(《漢語大詞典》(十二)，p.1279)

⁸⁶ (1) 喻譬 = 譬喻 【宋】【元】【明】【宮】。(大正 25, 506d, n.10)

(2) 參見《雜阿含經》卷 28 (788 經) (大正 2, 204b9-c6)。

⁸⁷ 精進 = 積集 【宋】【元】【明】【宮】【聖】【石】。(大正 25, 506d, n.11)

⁸⁸ (1) 參見《佛說阿闍世王經》卷下 (大正 15, 404a22-b22)。

案：關於阿闍世王聞法獲益，另參見《增壹阿含經》卷 39 〈43 馬血天子問八政品〉(大

〈釋歎淨品第四十二⁸⁹〉
 (大正 25, 506b15-509a5)

【經】

壹、舍利弗以十門歎⁹⁰般若深淨(壹) 甚深門歎⁹¹

爾時，舍利弗白佛言⁹²：「世尊！是淨甚深！」

佛言：「畢竟淨故。」

舍利弗言：「何法淨故，是淨甚深？」

佛言：「色淨故，是淨甚深。受、想、行、識淨故，四念處淨故乃至八聖道分淨故，佛十力淨故乃至十八不共法淨故⁹³，菩薩淨故、佛淨故⁹⁴，一切智、一切種智淨故——是淨甚深。」⁹⁵

正 2, 762a7-764b12);《大毘婆沙論》卷 103 (大正 27, 536b9-25);《大般涅槃經》卷 20 (8 梵行品) (大正 12, 480b28-485b12)。

(2) 放鉢經：闍王遇文殊得受記。(印順法師，《大智度論筆記》[H017]p.409、[H022]p.416)

⁸⁹ 卷六十五首【石】，〔大智度論〕—【明】，((大智...二))十二字=((大智度論釋第四十一品上嘆淨品))十四字【聖】，((大智度經論歎淨品))八字【石】。(大正 25, 506d, n.13)

⁹⁰ 《大品經義疏》卷 7：「此第三、身子歎般若深淨為信毀之由，凡十門歎：一、甚深門歎，二、照明歎，三、不相續歎，四、無垢歎，五、無得無著歎，六、不出^{*}歎，七、無知歎，八、一切淨歎，九、無損益歎，十、無受歎。一一歎例四句：一、歎，二、述，三、審，四、答問。」(卍新續藏 24, 284a23-b2)

※「出」一作「生」。(卍新續藏 24, 284d, n.3)

⁹¹ 《大品經義疏》卷 7：

初、「甚深歎」者，身子知般若，雖復念、想、觀，除言語法滅，為毀之得大罪、信之得大福，故歎云甚深也！佛述畢竟深^{*}者，以「畢竟淨」者名甚深也！自有智淨境不淨、智不淨境淨，今內外並冥，緣智俱寂，謂畢竟淨也！又體此淨，人謂十方三世佛，十方三世佛亦不著淨，如^{*}□是畢竟淨！又體此淨，能與一切樂，實無所與；能拔一切苦，實無所拔，又是畢竟淨也！次、重審「何法淨」者，恐或者謂「真諦理淨，實相自淨」故問也。佛答口^{*}：心色畢竟淨，真勿真諦置餘處，餘處則於緣無益也！（卍新續藏 24, 284b4-13）

※「深」一作「淨」。(卍新續藏 24, 284d, n.4)

※「如」一作「始」。(卍新續藏 24, 284d, n.5)

※案：「口」或作「曰」。

⁹² 《大智度論疏》卷 21：「『爾時，舍利弗白佛言』已下，就此嘆淨文中，門戶亦極多。但大捨分之凡有四分：第一、明身子致嘆，如來一一成之。第二、善吉嘆淨，如來一一成之。第三、是天主問前，善吉以明礙相。第四、如來自對善吉為說微細礙相。此初即是第一，明身子致嘆一一問佛取足，如來又一一成之也，並臨文當釋。」(卍新續藏 46, 891c18-23)

⁹³ 〔故〕—【宋】【元】【明】【宮】【聖】。(大正 25, 506d, n.15)

⁹⁴ 〔故〕—【宮】。(大正 25, 506d, n.16)

⁹⁵ 《大般若波羅蜜多經》卷 436 (40 清淨品)：

爾時，舍利子白佛言：「世尊！是法清淨最為甚深！」

佛言：「如是畢竟淨故。」

舍利子言：「何等畢竟淨故，說是法清淨最為甚深？」

佛言：「舍利子！色畢竟淨故，說是法清淨最為甚深；受、想、行、識畢竟淨故，說是法清淨最為甚深；……布施波羅蜜多乃至般若波羅蜜多……四念住乃至八聖道支……；如是乃至如來十力乃至十八不共法……；諸菩薩摩訶薩……；諸佛無上正等菩提……；一切智……；

（貳）照明歎⁹⁶

「世尊！是淨明！」

佛言：「畢竟淨故。」

舍利弗言：「何法淨故，是淨明？」

佛言：「般若波羅蜜淨故，是淨明；乃至檀波羅蜜淨故，是淨明；四念處乃至一切智淨故，是淨明。」⁹⁷

（參）不相續歎⁹⁸

「世尊！是淨不相續！」

佛言：「畢竟淨故。」

舍利弗言：「何法不相續故，是淨不相續？」

佛言：「色不去不相續故，是淨不相續；乃至一切種智不去不相續故，是淨不相續。」⁹⁹

（肆）無垢歎¹⁰⁰

「世尊！是淨無垢！」

佛言：「畢竟淨故。」

舍利弗言：「何法無（506c）垢故，是淨無垢？」

佛言：「色性常淨故，是淨無垢；乃至一切種智性常淨故，是淨無垢。」¹⁰¹

道相智、一切相智畢竟淨故，說是法清淨最為甚深。」（大正 7，192c20-193a14）

⁹⁶ 《大品經義疏》卷 7：「『是淨故明』者，第二歎。以體斯淨法故，發生明觀，即般若觀也。即第二歎！」（已新續藏 24，284b14-15）

⁹⁷ 《大般若波羅蜜多經》卷 436〈40 清淨品〉：
時，舍利子復白佛言：「世尊！是法清淨甚為明了！」

佛言：「如是畢竟淨故。」

舍利子言：「何等畢竟淨故，說是法清淨甚為明了？」

佛言：「舍利子！般若波羅蜜多畢竟淨故，說是法清淨甚為明了；乃至布施波羅蜜多畢竟淨故，說是法清淨甚為明了。如是乃至一切智畢竟淨故，說是法清淨甚為明了；道相智、一切相智畢竟淨故，說是法清淨甚為明了。」（大正 7，193a14-21）

⁹⁸ 《大品經義疏》卷 7：「淨用不^{*}相續，第三、不相續歎：既得般若觀明，則生死不續，謂無餘涅槃也！文云『不去』者，既不相續，五眾不去其後世也！」（已新續藏 24，284b15-17）
※案：「不」疑為衍字。

⁹⁹ 《大般若波羅蜜多經》卷 436〈40 清淨品〉：
時，舍利子復白佛言：「世尊！是法清淨不轉不續。」

佛言：「如是畢竟淨故。」

舍利子言：「何等畢竟淨故，說是法清淨不轉不續？」

佛言：「舍利子！色不轉不續畢竟淨故，說是法清淨不轉不續；……如是乃至一切智……道相智、一切相智不轉不續畢竟淨故，說是法清淨不轉不續。」（大正 7，193a21-b1）

¹⁰⁰ 《大品經義疏》卷 7：「『無垢』下，第四、無垢歎，明諸煩惱不能汙此淨法及般若觀也！」（已新續藏 24，284b17-18）

¹⁰¹ 《大般若波羅蜜多經》卷 436〈40 清淨品〉：
時，舍利子復白佛言：「世尊！是法清淨本無雜染！」

佛言：「如是畢竟淨故。」

舍利子言：「何等畢竟淨故，說是法清淨本無雜染？」

佛言：「舍利子！色畢竟淨故，說是法清淨本無雜染；……如是乃至一切智……道相智、一

(伍) 無得無著歎¹⁰²

「世尊！是淨無得無著！」

佛言：「畢竟淨故。」

舍利弗言：「何法無得無著故，是淨無得無著？」

佛言：「色無得無著故，是淨無得無著；乃至一切種智無得¹⁰³無著故，是淨無得無著。」¹⁰⁴

(陸) 無生歎

一、諸法無生

「世尊！是淨無生！」

佛言：「畢竟淨故。」

舍利弗言：「何法無生故，是淨無生？」

佛言：「色無生故，是淨無生；乃至一切種智無生故，是淨無生。」¹⁰⁵

二、三界無生

(一) 欲界無生

「世尊！是淨不生欲界中！」

佛言：「畢竟淨故。」

舍利弗言：「云何是淨不生欲界中？」

佛言：「欲界性不可得故，是淨不生欲界中。」

切相智畢竟淨故，說是法清淨本無雜染。」

時舍利子復白佛言：「世尊！是法清淨本性光潔！」

佛言：「如是畢竟淨故。」

舍利子言：「何等畢竟淨故，說是法清淨本性光潔？」

佛言：「舍利子！色畢竟淨故說是法清淨本性光潔；……如是乃至一切智……道相智、一切相智畢竟淨故，說是法清淨本性光潔。」(大正 7, 193b1-15)

¹⁰² 《大品經義疏》卷 7：「第五、無得著歎者，小乘行此淨得苦忍，其道比忍比忍為著，苦忍為得；大乘行淨明得順忍，次得無生忍為著，順忍為得也！今畢竟淨中，未曾大小，何有深淺得著異耶？」(卍新續藏 24, 284b18-21)

¹⁰³ 得=淨【石】。(大正 25, 506d, n.19)

¹⁰⁴ 《大般若波羅蜜多經》卷 436〈40 清淨品〉：

時，舍利子復白佛言：「世尊！是法清淨無得無現觀！」

佛言：「如是畢竟淨故。」

舍利子言：「何等畢竟淨故，說是法清淨無得無現觀？」

佛言：「舍利子！色本性空畢竟淨故，說是法清淨無得無現觀；……如是乃至一切智……道相智、一切相智本性空畢竟淨故，說是法清淨無得無現觀。」(大正 7, 193b15-23)

¹⁰⁵ 《大般若波羅蜜多經》卷 436〈40 清淨品〉：

時，舍利子復白佛言：「世尊！是法清淨無生無出現！」

佛言：「如是畢竟淨故。」

舍利子言：「何等畢竟淨故，說是法清淨無生無出現？」

佛言：「舍利子！色無生無顯畢竟淨故，說是法清淨無生無出現；……如是乃至一切智……道相智、一切相智無生無顯畢竟淨故，說是法清淨無生無出現。」(大正 7, 193b23-c3)

（二）色界無生

「世尊！是淨不生色界中！」

佛言：「畢竟淨故。」

舍利弗言：「云何是淨不生色界中？」

佛言：「色界性不可得故，是淨不生色界中。」

（三）無色界無生

「世尊！是淨不生無色界中！」

佛言：「畢竟淨故。」

舍利弗言：「云何是淨不生無色界中？」

佛言：「無色界性不可得故，是淨不生無色界中。」¹⁰⁶

（柒）無知歎¹⁰⁷

「世尊！是淨無知！」

佛言：「畢竟淨故。」

舍利弗言：「云何是淨無知？」

佛言：「諸法鈍故，是淨無知。」

「世尊！色無知，是淨淨！」¹⁰⁸

佛言：「畢竟淨故。」

舍利弗言：「云何色無知是淨淨？」

佛言：「色自性空故，色無知是淨淨。」

「世尊！受、想、行、識無知是淨淨！」

佛言：「畢竟淨故。」

舍利弗言：「云何受、想、行、識無知是淨淨？」

佛言：「受、想、行、識自性空故，無知是淨淨。」¹⁰⁹

¹⁰⁶ 《大般若波羅蜜多經》卷 436〈40 清淨品〉：

時，舍利子復白佛言：「世尊！是法清淨不生欲界、不生色界、不生無色界！」

佛言：「如是畢竟淨故。」

舍利子言：「云何是法清淨不生欲界、不生色界、不生無色界？」

佛言：「舍利子！三界自性不可得故，說是法清淨不生欲界、不生色界、不生無色界。」（大正 7，193c3-8）

¹⁰⁷ 《大品經義疏》卷 7：「第七、無知問歎，即第三、泯於知照也。『諸法鈍故』者，有人言：真理既鈍，般若從理生亦鈍也。色無知者，理無知故，不能實成般若智也。今謂不爾！即般若大智，竟無所知也。」（卍新續藏 24，284c1-4）

¹⁰⁸ 《大智度論疏》卷 21：「『色無知，是淨淨』已下，明色無知即是前淨，此淨亦淨故云淨淨。是故聖人以空遣空，令不滯空；空亦復空，故名空空。今者亦爾，以淨遣淨，淨亦復淨故者，淨淨也。餘義例然。當釋。」（卍新續藏 46，892a11-14）

¹⁰⁹ 《大般若波羅蜜多經》卷 436〈40 清淨品〉：

時，舍利子復白佛言：「世尊！是法清淨本性無知！」

佛言：「如是畢竟淨故。」

舍利子言：「云何是法清淨本性無知？」

(捌) 一切法淨歎

「世尊！一切法淨故，是淨淨！」

佛言：「畢竟淨故。」

舍利弗言：「云何一切法淨故，是淨淨？」

佛言：「一切法不可得故，一切法淨是淨淨。」¹¹⁰

(玖) 無損益歎¹¹¹

「世尊！是般若波羅蜜於薩婆若無益無損！」

佛言：「畢竟淨故。」

舍利弗(507a)言：「云何般若波羅蜜於薩婆若無益無損？」

佛言：「法常住相故，般若波羅蜜於薩婆若無益無損。」¹¹²

(拾) 無所受歎¹¹³

「世尊！是般若波羅蜜淨，於諸法無所受！」

佛言：「畢竟淨故。」

舍利弗言：「云何般若波羅蜜淨，於諸法無所受？」

佛言：「法性不動故，是般若波羅蜜淨，於諸法無所受。」¹¹⁴

佛言：「舍利子！以一切法本性鈍故，是法清淨本性無知。」

舍利子言：「何等本性無知故，說是法清淨本性無知？」

佛言：「舍利子！色本性無知、自相空故，說是法清淨本性無知；……如是乃至一切智……道相智、一切相智本性無知、自相空故，說是法清淨本性無知。」(大正 7, 193c8-19)

¹¹⁰ 《大般若波羅蜜多經》卷 436〈40 清淨品〉：

時，舍利子復白佛言：「世尊！一切法本性清淨故是法清淨！」

佛言：「如是以一切法畢竟淨故。」

舍利子言：「云何一切法本性清淨故說是法清淨？」

佛言：「舍利子！以一切法不可得故本性清淨，說是法清淨。」(大正 7, 193c19-23)

¹¹¹ 《大品經義疏》卷 7：「第九、無損益門歎：上身子問、佛答之時，言貪著般若，能行般若；能行般若得薩婆若，故因能益果，作無損益歎也！」(卍新續藏 24, 284c4-7)

¹¹² 《大般若波羅蜜多經》卷 436〈40 清淨品〉：

時，舍利子復白佛言：「世尊！如是般若波羅蜜多於一切相智無益無損！」

佛言：「如是畢竟淨故。」

舍利子言：「云何般若波羅蜜多於一切相智無益無損？」

佛言：「舍利子！法性常住故，如是般若波羅蜜多於一切相智無益無損。」(大正 7, 193c23-28)

¹¹³ 《大品經義疏》卷 7：「第十、無所受者，既無益無損，則無緣無觀，故心行斷，所以無所受也。從無知其淨淨，此淨知即淨因也；無損益，淨其果。無所受，明觀心滅也。」(卍新續藏 24, 284c7-9)

¹¹⁴ 《大般若波羅蜜多經》卷 436〈40 清淨品〉：

時，舍利子復白佛言：「世尊！如是般若波羅蜜多本性清淨，於一切法無所執受！」

佛言：「如是以一切法畢竟淨故。」

舍利子言：「云何般若波羅蜜多本性清淨，於一切法無所執受？」

佛言：「舍利子！法界湛然無動搖故，如是般若波羅蜜多本性清淨，於一切法無所執受。」(大正 7, 193c29-194a5)

【論】釋曰：

壹、舍利弗以十門歎般若深淨

(壹) 甚深門歎

一、辨「淨」義¹¹⁵

(一) 依二諦說

1、世間常法——智境相待

「是淨甚深」者，「淨」有二種：一者、智慧淨，二者、所緣法淨。此二事¹¹⁶相待——離智淨無緣淨，離緣淨無智淨。所以者何？一切心心數法從緣生，若無緣則智不生。譬如無薪，火無所然。以有智故，知緣為淨；無智，則不知緣淨。¹¹⁷此中智淨、緣淨相待，世間常法。

2、畢竟清淨：實相本淨，法爾常住不壞，轉成不淨（印順法師，《大智度論筆記》〔E004〕p.292）

是中說：離智、離緣，諸法實相，本自清淨。為心、心數法所緣，則污染不清淨；譬如百種美食，與毒同器，則不可食。諸法實相常淨，非佛所作，非菩薩、辟¹¹⁸支佛、聲聞、一切凡夫所作；有佛、無佛，常住不壞相。在顛倒虛誑法及果報中，則污染不淨。¹¹⁹

(二)「清淨」有種種名（印順法師，《大智度論筆記》〔E019〕p.318）

是「清淨」有種種名字——或名「如」、「法性」、「實際」，或名「般若波羅蜜」，或名「道」，或名「無生無滅」、「空」、「無相」、「無作」、「無知無得」，或名「畢竟空」等——如是等¹²⁰無量無邊名字。

二、正明經意

(一) 畢竟淨故淨甚深

1、釋歎意

舍利弗觀是般若波羅蜜相，雖不可見、不可聞、不可說、不可破壞，而誹謗得無量罪；信受正行，則得無上果報。舍利弗發希有歡喜心，而白佛言：「世尊！是淨甚深！」

115 「智慧淨……」……………「智空」
|……………|相待不離，世間常法
淨「所緣淨……」……………「境空」
|……………|實相本淨……離緣離智……離上二邊說中道（緣生無性，本來空寂）
（印順法師，《大智度論筆記》〔B023〕p.155）

116 事=淨【宋】【元】【明】【宮】【聖】，=者【石】。（大正 25，507d，n.2）
117 《大智度論疏》卷 21：「火喻前智，薪喻前境，由境智相應故有二淨。」（卍新續藏 46，892b7-8）
118 （非）+辟【宋】【元】【明】【宮】【聖】。（大正 25，507d，n.3）
119 心性常淨：轉成不淨。（印順法師，《大智度論筆記》〔C014〕p.210）
120 [等]—【宋】【元】【明】【宮】。（大正 25，507d，n.4）

2、釋「畢竟淨」意

佛答：「汝所見者以為希有，實相¹²¹中復過汝所見。一切法中，畢竟淨、無所著，乃至淨體亦不著，是名畢竟清淨。」¹²²

復次，清淨主，所謂十方三世諸佛；諸佛亦不著是清淨，是故言「畢竟清淨（507b）故」。

是清淨般若波羅蜜能令一切賢聖無邊苦盡，有是大利益，而亦不著是般若波羅蜜。如是有無量因緣「畢竟清淨」，是淨甚深！

（二）諸法淨故淨甚深

舍利弗問：「何法畢竟清淨故，是淨甚深？」

佛答：「色等諸法清淨故，是淨甚深。」

所以者何？色等諸法本末因果清淨故，是淨甚深。如上品中說：「菩薩於色等法中觀行斷故，得如是清淨。」¹²³以是故名「色等清淨」。

（貳）照明歎

是淨能破一切法中戲論無明，能與畢竟空智慧光明，是故言「淨明」。¹²⁴

行檀波羅蜜等諸菩薩妙法故，得是「淨明」。

是淨能與有餘涅槃故，言是「淨明」。

（參）不相續歎

今¹²⁵與無餘涅槃故，言「是淨不相續」。

先以空¹²⁶等三三昧¹²⁷捨諸善法，後壽命自然盡故，色等五眾不去亦不相續，故「淨不相續」。

（肆）無垢歎

以百八諸煩惱不能遮覆污染淨故，言「淨無垢」。

（伍）無得無著歎

行如是諸法實相不二道，從苦法忍乃至十五心，是名「得」；第十六心，得沙門果，是名「著」。¹²⁸

¹²¹ 實相+（法）【聖】。（大正 25，507d，n.6）

¹²² 畢竟清淨：淨亦不著。（印順法師，《大智度論筆記》〔E004〕p.292）

¹²³ （1）參見《正觀》（6），pp.170-171；參見《摩訶般若波羅蜜經》〈41 信謗品〉及其相對應《大智度論》卷 63（大正 25，505a15-b6）之解說。

（2）又《正觀》（6），p.293，n.155：在此之前的《摩訶般若波羅蜜經》譯文中，似乎沒有「觀行斷」之語。本文所引《大智度論》（大正 25，505a15-b6），文中有「是般若波羅蜜三種因緣：正觀、正行、正修」，可參見《大智度論》卷 52（大正 25，435b14-28）「於五眾中有五種正觀行（不受、不視、不住、不著、不言）」。¹²⁷另參見《大智度論》卷 64（大正 25，511b8-28）所討論的「離諸觀法」。

¹²⁴ 畢竟清淨：是淨能破無明，能與空慧光，故明。（印順法師，《大智度論筆記》〔E004〕p.292）

¹²⁵ 今=令【明】，〔今〕—【石】。（大正 25，507d，n.10）

¹²⁶ 空+（空）【宋】【元】【明】【宮】。（大正 25，507d，n.11）

¹²⁷ 空空三昧，詳見《大毘婆沙論》卷 105（大正 27，543a26-b24）。

¹²⁸ 《大智度論疏》卷 21：「明須陀洹果，復無漏果證，已永著聖法，無有墮落，故名為著也。」（卍新續藏 46，892c17-18）

「著」者，著¹²⁹不墮落，「得」之別名也。¹³⁰
復次，行六波羅蜜，乃至生柔順忍，是名「得」；能生無生法忍，入菩薩位，是名「著」。¹³¹
是清淨法中，用無所得心，無此二事，故名「無得無著」。

〔陸〕無生歎

行如是法，知一切法畢竟空；畢竟空故，不取相；不取相故，不起不作三種業；不作¹³²
業故，一切世間無生。

「世間」，所謂三界。

此中二因緣故不生：一者、三種生業不起故，二者、三界自性不可得故。
此中佛總說因緣，所謂三界自性空，是故說「三界色等諸法自性不可得」。

〔柒〕無知歎

是淨無知，諸法鈍故，¹³³如上品中說。¹³⁴

〔捌〕一切法淨歎

一切諸法性常不生，不生故不可得，不可得故（507c）畢竟清淨。

〔玖〕無損益歎¹³⁵

舍利弗得聲聞波羅蜜，佛為一切智人——是二人問答故，諸菩薩貪著是般若波羅蜜；
是故舍利弗欲斷其貪著，故說言：「世尊！般若波羅蜜雖有如是功德，畢竟清淨故，於
薩婆若亦無益無損。」

如夢如¹³⁶幻中，雖有得失，亦無益無損；如虛空畢竟清淨、無所有，亦因是虛空有所
成濟，亦不得言「空有所作」，亦不得言「空無所益」。

檀波羅蜜因般若波羅蜜有所作，是故言「般若波羅蜜無益無損」。

〔拾〕無所受歎

般若波羅蜜觀一切法有失——不淨，無常、苦、空、無我，不生不滅、非不生非不滅
等。種種因緣，讚歎滅諸觀戲論、斷語言道，是故說「般若波羅蜜清淨，於諸法無所
受」。

滅諸觀戲論、斷語言道，即是入法性相，是故此中說「法性不動故」。

¹²⁹ [著] — 【聖】。(大正 25, 507d, n.14)

¹³⁰ (著者，著不墮落，得之別名也) 十一字本文 = (著者，著不墮落，得之別名也) 十一字夾
註【元】【明】。(大正 25, 507d, n.13)

¹³¹ 一柔順忍觀——不畢竟淨

二種無生觀——無生忍觀——畢竟清淨——入菩薩位

(印順法師，《大智度論筆記》[B016] p.141)

¹³² 作 + (三種)【宋】【元】【明】【石】。(大正 25, 507d, n.15)

¹³³ 《大智度論疏》卷 21：「『是淨無智，諸法鈍故』已下，明淨無知相，故曰無知；法無分別，
是故名鈍也。」(卍新續藏 46, 892c23-24)

¹³⁴ 《正觀》(6), p.171：《摩訶般若波羅蜜經》卷 11 (41 信毀品) (大正 8, 304b5-14)；《放光
般若經》卷 9 (42 泥犁品) (大正 8, 62c11-18)。

¹³⁵ 無益無損。(印順法師，《大智度論筆記》[E019] p.318)

¹³⁶ [如] — 【宋】【元】【明】【宮】。(大正 25, 507d, n.17)

【經】

貳、須菩提歎淨，如來述成

(壹) 須菩提舉我淨及我無邊二門以明法淨¹³⁷

一、舉「我淨門」

(一) 我淨故五眾淨，我無所有故五眾畢竟淨

1、舉「色」明

爾時，慧命須菩提白佛¹³⁸言：「世尊！我淨故色淨。」

佛言：「畢竟淨故。」

須菩提言：「以何因緣我淨故色淨畢竟淨？」

佛言：「我無所有故，色無所有畢竟淨。」

2、舉「非色」明

「世尊！我淨故受想行識淨。」

佛言：「畢竟淨故¹³⁹。」須菩提言：「何因緣故，我淨故¹⁴⁰受想行識淨畢竟淨？」佛言：「我無所有故，受想行識無所有畢竟淨。」¹⁴¹

(二) 我淨故六度乃至十八不共法淨，我無所有故六度乃至十八不共法是畢竟淨

「世尊！我淨故檀波羅蜜淨，我淨故尸羅波羅蜜淨，我淨故羼提波羅蜜淨，我淨故毘梨耶波羅蜜淨，我淨故禪波羅蜜淨。世尊！我淨故般若波羅蜜淨。世尊！我淨故四念處淨；世尊！我淨故乃至八聖道分淨。世尊！我淨故佛十力淨；世尊！我淨故乃至十八不共法淨。」

佛言：「畢竟淨故。」

須菩提言：「何因緣故，我淨檀波羅蜜淨，我淨乃至十八(508a)不共法淨？」

佛言：「我無所有故，檀波羅蜜無所有淨，乃至十八不共法無所有故淨。」¹⁴²

¹³⁷ 《大品經義疏》卷 12：

又弟*子明淨*故人淨，今明人淨故法淨。

又上法淨故般若淨，今人淨故般若淨。

又身子一無量門明淨；今就無量一門明淨，不辨淨有多因也。

此中二門：一、以「我淨」，二、「我無邊總顯萬法皆淨」。論文委釋也。(卍新續藏 24, 284c17-21)

※案：「弟」或作「身」。

※案：「淨」之前疑有一「法」字。

¹³⁸ 《大智度論疏》卷 21：「『爾時，慧命須菩提白佛』已下，即是品之第二，明善吉嘆淨。此中乃先舉生淨以況法淨，佛亦一一成之也。當一一釋。」(卍新續藏 46, 893a3-5)

¹³⁹ [故] — 【宋】【元】【明】【宮】。(大正 25, 507d, n.18)

¹⁴⁰ [故] — 【宋】【元】【明】【宮】【聖】。(大正 25, 507d, n.19)

¹⁴¹ 《大般若波羅蜜多經》卷 436 (40 清淨品)：

爾時，具壽善現白佛言：「世尊！我清淨故，色、受、想、行、識清淨。」

佛言：「如是畢竟淨故。」

「世尊！何緣而說*『我清淨故，色、受、想、行、識清淨是畢竟淨』？」

「善現！我無所有故，色、受、想、行、識亦無所有是畢竟淨。」(大正 7, 194a6-10)

※案：《大正藏》原作「設」，今改作「說」。

（三）我淨故無為道果淨，我自相空故無為道果是畢竟淨

「世尊！我淨故須陀洹果淨，我淨故斯陀含果淨，我淨故阿那含果淨，我淨故阿羅漢果淨，我淨故辟支佛道淨，我淨故佛道淨。」

佛言：「畢竟淨。」

須菩提言：「何因緣故，我淨須陀洹果淨、斯陀含果淨、阿那含果淨、阿羅漢果淨、辟支佛道淨、佛道淨？」

佛言：「自相空故。」¹⁴³

（四）我淨故一切智淨，我無相無念故一切智是畢竟淨

「世尊！我淨故一切智淨。」

佛言：「畢竟淨故。」

須菩提言：「何因緣故，我淨故一切智淨？」

佛言：「無相無念故。」¹⁴⁴

（五）二淨故無得無著，無垢無淨故無得無著是畢竟淨

「世尊！以二淨故無得無著。」

佛言：「畢竟淨。」

須菩提言：「何因緣故，以二淨故無得無著是畢竟淨？」

佛言：「無垢無淨故。」¹⁴⁵

¹⁴² 《大般若波羅蜜多經》卷 436〈40 清淨品〉：

「世尊！我清淨故，布施波羅蜜多乃至般若波羅蜜多清淨。」

佛言：「如是畢竟淨故。」

「世尊！何緣而說『我清淨故，布施波羅蜜多乃至般若波羅蜜多清淨是畢竟淨』？」

「善現！我無所有故，布施波羅蜜多乃至般若波羅蜜多亦無所有是畢竟淨。……善現！我無所有故，四念住乃至八聖道支亦無所有是畢竟淨。……善現！我無所有故，如來十力乃至十八不共法亦無所有是畢竟淨。」（大正 7，194b1-20）

¹⁴³ 《大般若波羅蜜多經》卷 436〈40 清淨品〉：

「世尊！我清淨故，預流、一來、不還、阿羅漢果、獨覺菩提、無上正等菩提清淨。」

佛言：「如是畢竟淨故。」

「世尊！何緣而說『我清淨故，預流、一來、不還、阿羅漢果、獨覺菩提、無上正等菩提清淨是畢竟淨』？」

「善現！我自相空故，預流、一來、不還、阿羅漢果、獨覺菩提、無上正等菩提亦自相空是畢竟淨。」（大正 7，194b20-26）

¹⁴⁴ 《大般若波羅蜜多經》卷 436〈40 清淨品〉：

「世尊！我清淨故，一切智、道相智、一切相智清淨。」

佛言：「如是畢竟淨故。」

「世尊！何緣而說『我清淨故，一切智、道相智、一切相智清淨是畢竟淨』？」

「善現！我無相、無得、無念、無知故，一切智、道相智、一切相智亦無相、無得、無念、無知是畢竟淨。」（大正 7，194b26-c2）

¹⁴⁵ 《大般若波羅蜜多經》卷 436〈40 清淨品〉：

「世尊！二清淨故，無得無現觀。」

佛言：「如是畢竟淨故。」

「世尊！何緣而說『二清淨故，無得無現觀是畢竟淨』？」

「善現！顛倒所起染淨無故，無得無現觀是畢竟淨。」（大正 7，194c3-6）

二、舉「我無邊故五眾清淨」

「世尊！我無邊故色淨，受、想、行、識淨。」

佛言：「畢竟淨。」

須菩提言：「何因緣故，我無邊故色淨，受、想、行、識淨？」

佛言：「畢竟空、無始空故¹⁴⁶。」

(貳) 般若深淨，若能如是知則名菩薩般若波羅蜜¹⁴⁷**一、能知空是名菩薩般若波羅蜜**

須菩提白佛言：「世尊！若菩薩摩訶薩能如是知¹⁴⁸，是名菩薩摩訶薩般若波羅蜜。」

佛言：「畢竟淨故。」¹⁴⁹

二、空有無礙**(一) 雖畢竟空而有道種慧**

須菩提言：「何因緣故，菩薩摩訶薩能如是知，是名菩薩摩訶薩般若波羅蜜？」

佛言：「知道種¹⁵⁰故。¹⁵¹」¹⁵²

¹⁴⁶ 《大智度論疏》卷 21：「『無始空故』已下，上言畢竟淨義以成法空，今言無始空者以成生空。」（卍新續藏 46，893a10-11）

¹⁴⁷ 《大品經義疏》卷 12：「『若菩薩皆如是知』下大段第四，明結法屬人，行無不成、說無不益。就文為三：第一、明結法屬人，第二、明人行此法故行無不成，第三、今明若說此法故言無不益也。」

初、結法屬人者，上三聖^{*}說般若深淨；今明若能如是了悟則名菩薩，非凡夫、二乘。然般若末^{*}曾屬不屬；但不屬礙，屬則菩薩也。聞^{*}如是知者，即知畢竟空、無始空，名為般若也。般若非屬下^{*}屬，假名屬；般若非空、不空，假名為空。故目此為二空以為般若也。

次須菩提問意者，論釋此是難畢竟空——若菩薩行畢竟空，則應無所知！

佛答：菩薩知道種故，知諸法何曾畢竟空、不畢竟空，但為破眾生「有」病，令悟畢竟空了。菩薩雖行畢竟空，無知而無所不知二乘道，名為知「道種」故也，豈如二乘沉空耶！

「色不知也^{*}」等者，須菩提難意：明菩薩既有道種慧，則有能觀智慧，應不空也！

佛答：「明所觀既空，能觀之道種慧亦空也，不作是念：『我施與者。』」

上明色不知色等——此是外法，謂受者及財物是外法故也；今不見我，即不見與者——與者是內法空也。

下來十三空釋此義。十三空是別破法，盡後五空是總破諸法耳。（卍新續藏 24，284c22-285a16）

※案：「三聖」，即舍利弗、須菩提、佛。

※案：「末」應作「未」。

※「聞」一作「問」。（卍新續藏 24，285d，n.1）

※「下」一作「不」。（卍新續藏 24，285d，n.2）

※案：「也」應作「色」。

¹⁴⁸ 《大智度論疏》卷 21：「『如是智』已下，明善吉致嘆而如來答言『畢竟淨故』，此據智相寂知、無知相故云爾也。」（卍新續藏 46，893a12-13）

¹⁴⁹ 《大般若波羅蜜多經》卷 436〈40 清淨品〉：

「世尊！若菩薩摩訶薩能如是覺，是為般若波羅蜜多。」

佛言：「如是畢竟淨故。」（大正 7，195a22-24）

¹⁵⁰ 《大智度論》卷 84〈70 三惠品〉：「道種智是諸菩薩摩訶薩智。道有四種：一者、人天中受福樂道，所謂種福德；并三乘道，為四。菩薩法應引導眾生著大道中；若不任入大道者，著二乘中；若不任入涅槃者，著人天福樂中，作涅槃因緣。世間福樂道是十善、布施諸福德；三十七品是二乘道；三十七品及六波羅蜜是菩薩道——菩薩應了了知是諸道。菩薩以佛道自為、為人，以餘三道但為眾生。是菩薩道種智。」（大正 25，649a6-14）

（二）具道種慧而復畢竟空

1、正明

（1）觀色等法畢竟空

「世尊！若菩薩摩訶薩行般若波羅蜜，以方便力故，作是念：『色不知色，受、想、行，識不知¹⁵³識；過去法不知過去法，未來法不知未來法，現在法不知現在法。』」¹⁵⁴

（2）觀能修者及所修法皆空

佛言：「菩薩摩訶薩行般若波羅蜜，以方便力故，不作是念：『我施與彼人；我持戒，如是持戒；我修忍，如是修忍；我精進，如是精進；我入禪，如是入禪；我修智慧，如是修智慧；我得福德，如是得福德；我當入菩薩法位中，我當淨佛世界、成就眾生，當得一切種智。』」

2、釋因由

須菩提！（508b）是菩薩摩訶薩行般若波羅蜜，以方便力故，無諸憶想分別，內空、外空、內外空、空空、大空、第一義空、有為空、無為空、無始空、散空、性空、諸法空、自相空故。

（三）結成

須菩提！是名菩薩摩訶薩行般若波羅蜜，方便力故無所礙。」¹⁵⁵

【論】釋曰：

貳、須菩提歎淨，如來述成

（壹）須菩提舉我淨及我無邊二門以明法淨

一、舉「我淨門」

（一）我淨故五眾淨，我無所有故五眾畢竟淨

佛初命須菩提說般若¹⁵⁶，¹⁵⁷有所說，不應求其因緣；若餘人所說者，當求因緣。舍利弗已問清淨相，佛作證；今須菩提說清淨相，佛亦為證。

¹⁵¹ 《大智度論疏》卷 21：「『佛言：知道種故』已下，上據知相寂，故云畢竟淨故；今言寂寂之用，云故*知通*種故*也。當釋。」（卍新續藏 46，893a14-15）

※案：「云故」或作「故云」。

※案：「通」應作「道」。

※案：「故」字疑衍。

¹⁵² 《大般若波羅蜜多經》卷 436〈40 清淨品〉：

「世尊！何緣而說若菩薩摩訶薩能如是覺，是為般若波羅蜜多即畢竟淨？」

「善現！由此能成道相智故。」（大正 7，195a24-26）

¹⁵³ 知+（受想行）【元】【明】。（大正 25，508d，n.2）

¹⁵⁴ 《大般若波羅蜜多經》卷 436〈40 清淨品〉：「世尊！若菩薩摩訶薩修行般若波羅蜜多，方便善巧作如是念：『色不知色，受不知受，想不知想，行不知行，識不知識；……過去法不知過去法，未來法不知未來法，現在法不知現在法；……一切智不知一切智，道相智不知道相智，一切相智不知一切相智。』是菩薩摩訶薩已於無上正等菩提住正定聚。」（大正 7，195a26-b14）

¹⁵⁵ 《大般若波羅蜜多經》卷 436〈40 清淨品〉：「諸菩薩摩訶薩修行般若波羅蜜多時，有方便善巧故無所執著。」（大正 7，195c2-4）

¹⁵⁶ 若+（若）【宋】【元】【明】【宮】【聖】【石】。（大正 25，508d，n.6）

¹⁵⁷ 詳見《摩訶般若波羅蜜經》卷 2〈7 三假品〉（大正 8，230b22）以下。

「我淨故¹⁵⁸五眾淨」者，如我畢竟無所有、不可得，五眾亦如是。

「畢竟空」即是「我清淨」、「五眾清淨」。

解¹⁵⁹我空易，解五眾空難，是故以易解喻難解。

（二）我淨故六度乃至十八不共法淨，（三）我淨故無為道果淨

六波羅蜜乃至十八不共法、須陀洹果乃至佛道亦如是——我淨故，是法亦淨。

※ 因論生論：為何於有為諸行說「無所有」，於無為道果說「自相空」

問曰：上言「我無所有故，色乃至十八不共法亦無所有」，今何以說「須陀洹果乃至佛道自相空」？

答曰：¹⁶⁰我從和合因緣假名生，於無我中有我顛倒，是故說「我虛妄無所有」，以五眾著處因緣故無所有。

檀波羅蜜等諸法雖善，是有為作法、菩薩所著故，言「無所有」。

須陀洹果等是無為法，無為法自相空——所謂無生無滅、無住¹⁶¹異故，是故不說「無所有」，但言「自相空」。

復次，有為法中，邪行多故，說「無所有」；

無為法中，無生無滅、無邪行故，說「自相空」。

（四）我淨故一切智淨

「我淨，一切種智淨」者，以菩薩深著故無相、無念。

「無相」者，是無相三昧。

「無念」者，於無相三昧亦不念。

（五）二淨故無得無著，無垢無淨故無得無著是畢竟淨

1、釋「須菩提言：以二淨故無得無著」

今須菩提知般若波羅蜜真清淨，故白佛：「用二淨故¹⁶²無得無著。」

清淨有二種¹⁶³：一者、用二法清淨，二者、用不二法清淨。

「二法清淨」，是名字清淨；「用不二法清淨」者，(508c)是真清淨。

¹⁵⁸ 《大智度論疏》卷 21：「『我淨故』已下，次釋文也。此以生空易解故，舉況法空也。」（卍新續藏 46，893b3-4）

¹⁵⁹ （難）+解【宋】【元】【明】【宮】。（大正 25，508d，n.9）

¹⁶⁰ 《大智度論疏》卷 21：「『答曰』已下，意云上據有為果法是著處，故云『不可得』；不可得者，對無著處。今須陀洹等言『自相空』者，乃據無為果，無為果既是煩惱無處，非所著處故，但云『自相空』也。」（卍新續藏 46，893b7-10）

¹⁶¹ 住+（無）【宋】【元】【明】。（大正 25，508d，n.10）

¹⁶² （1）《大智度論疏》卷 21：「『用二淨故』已下，二法清淨者，者^{*}是智淨、緣淨，名二法淨。今此二淨亦無故，名不二法淨。『無得著』義，已如上釋也。」（卍新續藏 46，893b15-17）
※案：「者」字疑衍。

（2）案：「二淨」為智淨、緣淨，參見《大智度論》卷 63〈42 歎淨品〉：「淨有二種：一者、智慧淨，二者、所緣法淨。」（大正 25，507a7-8）

¹⁶³ 「名字清淨——用二法清淨——分別是垢是淨

二種清淨——真清淨——用不二法清淨——無垢無淨

（印順法師，《大智度論筆記》〔B023〕p.155）

2、釋「佛答：畢竟淨」

佛言：「諸法畢竟空相。」

3、若分別是垢、是淨，則為「有得有著」；若不分別垢淨，則為「無得無著畢竟淨」

「云何以二法清淨有得有著？」¹⁶⁴

此中說因緣，所謂一切法無垢無淨。二清淨中，分別是垢、是淨。

二、舉「我無邊故五眾清淨」

「我無邊故五眾清淨」者，如我空，空故無邊；五眾亦如是。

問曰：常言「畢竟清淨故」，今何以言「畢竟空、無始空」？

答曰：

（一）畢竟空

「畢竟空」即是「畢竟清淨」，¹⁶⁵以人畏空，故言「清淨」。¹⁶⁶

（二）無始空

此中說「我無邊」——「我」即「眾生」——眾生空。何以故？無始空故。

（貳）般若深淨，若能如是知則名菩薩般若波羅蜜

一、能知空是名菩薩般若波羅蜜

問¹⁶⁷曰：「能如是知¹⁶⁸，是名般若」者，能以眾生空、法空，以¹⁶⁹一切法畢竟空，是名「般若波羅蜜」——般若波羅蜜即是畢竟清淨。¹⁷⁰

二、空有無礙

（一）雖畢竟空而有道種慧

佛常答「畢竟空」，是故問：「若畢竟空，云何言『菩薩能如是知，是名菩薩般若』？」（難畢竟空也，以畢竟空無知故。）

佛言：「知道種故。」

菩薩雖知一切法畢竟空，欲令眾生得此畢竟空，遠離著心。

畢竟空，但為破著心故說，非是實空¹⁷¹（畢竟空，即是答道種智）。¹⁷²

¹⁶⁴ (1)《摩訶般若波羅蜜經》卷 12〈42 歎淨品〉：「須菩提言：『何因緣故，以二淨故無得無著是畢竟淨？』」（大正 8，307b23-24）

(2)《大般若波羅蜜多經》卷 436〈40 清淨品〉：「世尊！何緣而說二清淨故，無得無現觀是畢竟淨？」（大正 7，194c4-5）

¹⁶⁵ 畢竟空：即畢竟淨。（印順法師，《大智度論筆記》〔E013〕p.308）

¹⁶⁶ 畢竟清淨：即畢竟空，以人畏空故言清淨。（印順法師，《大智度論筆記》〔E004〕p.292）

¹⁶⁷ (1) 問=說【宋】【元】【明】【宮】【聖】。（大正 25，508d，n.14）

(2)《高麗藏》亦作「問」（第 14 冊，1014c10）。

¹⁶⁸ 《大智度論疏》卷 21：「『問曰：能如是知』已下，釋上善吉嘆波若之文。此中意明知之空空之智，用即寂，寂即用，非廢用然以寂，亦可以寂故而無用，但以知故，所以言畢竟空，空即能智故，言知道種智也。」（卍新續藏 46，893b22-c1）

¹⁶⁹ 〔以〕—【宋】【元】【明】【宮】。（大正 25，508d，n.15）

¹⁷⁰ 波羅蜜：即畢竟清淨。（印順法師，《大智度論筆記》〔E019〕p.317）

¹⁷¹ 空=定【宋】【元】【明】【宮】。（大正 25，508d，n.17）

¹⁷² 畢竟空：破著故說，得畢竟空即知道種。

畢竟空非是實空。（印順法師，《大智度論筆記》〔E013〕p.308）

(二) 具道種慧而復畢竟空**1、正明****(1) 總明：觀內外法皆畢竟空**

爾時，須菩提白佛言：「世尊！行般若者作是念『色不知色』等。」

佛意般若無定相，但以道種智故分別說，令菩薩行般若方便故，法雖畢竟空，亦如是知「色不知色法」等。觀一切法畢竟空，唯有能觀智慧在，不應畢竟空，以引導眾生著心令入畢竟空。

佛答：「若菩薩行般若方便，能觀外法畢竟空——色不知色等；內自觀內心，亦如是方便力故，若行檀時，不作是念：『我施與彼，彼¹⁷³是受施¹⁷⁴。』」

(2) 別釋**A、觀外法畢竟空**

「須菩提！色不知色等」者，一切法空故不相知，不相知故無所作，破二事，所謂受者、所施物（此二事，皆是外也）。

B、觀內法畢竟空

今破與者乃至我修一切種智亦如是。

2、釋因由

此中說因緣：「菩薩行般¹⁷⁵若，方便（509a）故無如是分別。」

(三) 結成

以內空故乃至自相空——是十三空破諸法盡，後五種空總相說。¹⁷⁶是名「菩薩無所礙」。

「無所礙」者，以是諸空於一切法無所礙。¹⁷⁷

¹⁷³ 〔彼〕—【宋】【元】【明】【宮】【聖】【石】。（大正 25，508d，n.18）

¹⁷⁴ 施=者先【宋】【元】【明】【聖】【石】，=先【宮】。（大正 25，508d，n.19）

¹⁷⁵ 般=眾【宋】。（大正 25，508d，n.20）

¹⁷⁶ (1) 十三空：內空、外空、內外空、空空、大空、第一義空、有為空、無為空、無始空、散空、性空、諸法空、自相空故。

(2) 五空：畢竟空，不可得空，無法空，有法空，無法有法空。

(3) 十八空，參見《摩訶般若波羅蜜經》卷 1〈1 序品〉：「⁽¹⁾內空，⁽²⁾外空，⁽³⁾內外空，⁽⁴⁾空空，⁽⁵⁾大空，⁽⁶⁾第一義空，⁽⁷⁾有為空，⁽⁸⁾無為空，⁽⁹⁾無始空，⁽¹⁰⁾散空，⁽¹¹⁾性空，⁽¹²⁾諸法空，⁽¹³⁾自相空，⁽¹⁴⁾畢竟空，⁽¹⁵⁾不可得空，⁽¹⁶⁾無法空，⁽¹⁷⁾有法空，⁽¹⁸⁾無法有法空。」（大正 8，219c9-12）

¹⁷⁷ 無得為因，無礙為果：空故無礙。（印順法師，《大智度論筆記》〔E017〕p.314-315）